



تاریخ وادستات

جلد ۱۳۳۶



برکون بیلنیر فیستی مجموعه ملک اما
پاک چوق آرانیر اور توده مجموعه ۹۶ بولمنز

ایتدک شرف خدمت احداثی فراموش
آثارینه اسلافزک رغبت اولمنز

ملک وملتہ نافع ، تاریخ ، ادبیات ، فنون ، اقتصادیات و شئون ساثرہ یہ متعلق
مباحث مفیدہ فی حاوی مجموعه شہریہ در

سلطان محمود خان اول حضر تلرینک غزل شاهانه

وبلیفانہ لری

دلی رنجیده ایتدک ای جفا معتاد نیلرسک
نه کستاخ ایتدک آیا نوستم ایجاد ، نیلرسک
خراب اولدی جهان نیم نکهدن ای کحل سن ده
اوچشم فتنه جویہ ایلوب امداد نیلرسک
هلاک خنجر آزارک اولمش دللری بیلسهک
ینه بسمل ایدوب ای غمزہ جلاد نیلرسک
رها بولسه کده ای دل دام زلف فتنه پیرادن
ینه پروازه یوق قدرت اولوب آزاد نیلرسک
اسیر کافر زلفک اولان اسلام خولردر
سراسر ایلوب دنیایی کفر آباد نیلرسک

اوییکانه منش جور الفتک ای (سبقتی) [۱] بیلیم
یچون شب تاسحر نامن ایدوب اوراد نیلرسک

دیگر غزل شاهانه لری

کرمبشش اولمز ای دل حالکی جانانه سویلرسک
وفا مأمول ایدرسک کر ، عجب یابانه سویلرسک
سبقتخوان جفادر شمدی اول شوخ ستم کستر
همان بیهوده دردک اول جفا جویانه سویلرسک
طوتار اول غمزه کافر الندہ خنجر سرتیز
ینه ای طفل دل شکرین هزار انسانه سویلرسک
مشام جانہ بوی لطفبخش امید ایدوب آندن
نواسنج اولدیغک اول غنچه خندانہ سویلرسک
نه دانش ابتدی حاصل (سبقتی) طبع سحر پیشه ک
که هر نظم نشاط افزایی سن شاهانه سویلرسک

دیگر

جهان حیران دیدارک اسیر طلعتک آفاق
مثال کعبه رخسارک کورن هم کورمین مشتاق
صالین ناز ایله کلزاره لطافت ویر چمنزاره
کوروب رویکی همواره صفا کسب ایلسون عشاق
امان بیجا عتاب ایتمه مهی ستر نقاب ایتمه
یوزک کوستر حجاب ایتمه کورنسون چهره براق

[۱] مخلص شاهانه لری «سبقتی» در. ملت کتبخانه سنده خطوط خسروا۔